



日涉編

景泰錄存
高書印記

楚應城陳

堦升也甫編輯

邑人徐養量叔弘甫校刻

陳 薊伯祥甫

陳 茗伯取甫

陳時升賜國甫

程有年耳雍甫全閱

九月

九月建成成滅也言萬物皆衰滅也

合璧
事類

無射戌之氣也九月建焉

周禮

日在房昏虛中旦柳中

禮記

日月會于大火而斗建戌之辰

月令

晚秋者天將搖落其歲之晏乎

韓阜云

季秋行春令則煖風至民懈怠師旅興行夏令則

大水殃民行冬令則多盜邊境不寧土地分裂

呂氏

春秋

為玄

爾雅

為季秋亦曰暮秋末秋杪秋秘秋暮商季商

梁元帝纂

要

文武百寮擇勝地追賞為樂

唐德宗時出南部新書

邑人掘蛇黃岡深七八尺有大者如鷄子小者如

彈丸其色紫磨之可治腫毒

黃蛇岡在平南縣出蛇黃載廣西潯州府

志

四民並籍野飲宴

荆楚歲時記

天東南有聲如風水相激三夜乃止

陳宣帝大建十三年陳書

天東南有聲如蟲飛漸移西北

陳宣帝大建十四年陳書

天赤氣見于西北長二十丈廣八九尺食頃乃滅

高祖太和十六年魏書

天西北有赤氣似火爛北鎮反亂之徵肅宗正光三年魏書

夜有流星起中天首如甕尾如二百斛船長十餘

丈聲如群鴨明若火炬過月下西流須臾有聲礮

礮墜地有大聲如壞屋者三在陳蔡間元和十二年唐書

有大星自西南流於東北小者如斗相隨天盡赤

聲如雷占曰流星為貴使是年汲桑殺東燕王騰遂據河北沈約宋書

電落大如蒜子永明元年南齊書

風中有黑子占曰黑者陰也臣有蔽明王者永寧元年

晉書

天雨塵土慶元六年

天雨塵土嘉泰元年以上宋史

淮南地生毛或白或蒼長者尺餘遍居人牀下揚

州尤甚垂拱元年唐書

雍州新豐縣有山湧出高二十丈有池周三百畝

池中有龍鳳之形禾麥之異武后以為休應名曰

慶山垂拱二年唐書

黃河是月水名登高水水衡記

瀘州益井竭遣劉晚入視忽有聲如雷火焰突出

晚被傷

端拱元年五行志

夾江縣民王誼得黑石二皆丹文其一云君王萬

歲其一云趙二十一帝緘其石以獻

興國四年五行志

膠東下密人年七十餘生角角有毛

漢景帝二年九月生角時

膠西濟南齊四王有舉兵反謀謀由吳王濞起連楚趙凡七國下密縣居四齊之中角兵象上御者

也老人吳王象也年七十七國象也天戒若曰人

不當生角猶諸侯不當舉兵以鄉京師也禍從老

人生七國俱敗京房易傳曰家宰專政厥妖人生角出通考

會稽剡縣水生如人面後王敦作亂晉明帝太宰元年五行志

前漢衰滅之世並有妖妖人頽俗具

豫州萬歲澗廣數丈有樹連理隔澗騰枝相通越

壑跨水為一幹

昇明二年九月南齊書

鳳凰集東海遣使祠其處

漢昭帝始元三年宋書符瑞志

大雨鼠巢樹上

光武六年漢書

豫州有猪生子一頭二身八足

高祖延興元年九月魏書

長安馬生人

唐僖宗中和元年九月通考

滿子縣馬生人

晉愍帝建興二年九月京房易傳曰上亡天子諸侯相伐厥妖馬生

人是時帝室衰微不絕如線胡狄交侵兵戈日逼桑而帝亦淪陷通考

詩

江南季秋天栗熟大如拳楓葉紅霞萃蘆花白浪

穿

劉蕃詩狀江南九月
蕃登天寶六年進士

異鄉寒覺早故國信來稀秋風江上望一鴈正南

飛

樂天

心逐南雲逝形隨北鴈來故鄉籬下菊今日幾花

開

隋江總九月
至微山亭

萬葉風聲利一山秋氣寒曉霜浮碧瓦薄月度朱

欄

權常侍

荆溪出白石天寒紅葉稀山路寒無雨空翠濕人

衣

王維

井梧分墜砌寒鴈遠橫空雨久莓苔紫霜濃薜荔

紅

徐錯

地僻門深少送迎披衣閒坐養幽情秋庭不掃携

藤杖閒踏梧桐黃葉行

白居易晚
秋間居

九月湘江水漫流沙邊惟覽月華秋金風浦上吹

黃葉一夜紛紛滿客舟

戎昱宿
湘江

秋叢遶舍似陶家遍繞籬邊日漸斜不是花中偏

愛菊此花開後更無花

鄭谷字微之
題九月菊

陰陽為炭地為爐鑄出金錢不用模莫向人前逞

顏色不知還解濟貧無

皮日休字襲美襄陽人題金錢花

九月徐州新戰後急風殺氣滿山河惟有流溝山

寺下門前依舊白雲多

白居易過流溝寺

秋風落葉滿空山古寺殘燈石壁間昔日經行人

去盡寒雲夜夜自飛還

皎然晚投山寺

霜草蒼蒼虫切切村南村北行人絕獨出門前望

野田月明蕎麥花如雪

白居易村夜

塞月沉沉洞房靜真珠簾外梧桐影秋霜欲下手

先知燈底裁縫刀剪冷

碧空溶溶月華靜月裏客愁吊孤影花開殘菊倚

疎籬葉下衰桐落寒井

塞鴻飛急覺秋盡隣鷄鳴時知夜永凝竚不語空

所思風吹白露衣裳冷

王維

誰將陶令黃金菊幻作酴醾白玉蕊小草真成有

風味東園添我老生涯

山谷

爽氣澄蘭沼秋香動桂林露凝千片玉菊散一叢

金日吐高低影雲垂點綴陰蓬瀛不可望泉石且

娛心太宗秋日

晨起動征鐸客行悲故鄉鷄聲茅店月人跡板橋

霜榭葉落山路枳花明驛牆因思杜陵夢鳧鴈滿

迴塘溫庭筠秋晚商山早行

閏節開重九真游下太千花寒仍薦菊座晚更披

蓮剎風回雕輦幡橫間綵旃還將西梵曲助入南

薰絃李嶠

閏月再重陽仙輿歷寶坊帝歌雲稍白御酒菊猶

黃風鐸宣行漏天花拂舞行豫游多景福梵宇自

生光宋之問

重陽登閏序上界叶時巡駐輦天花落開筵妓樂

陳城端剎柱見雲表露盤新臨睨光輝滿飛文動

睿神劉憲以上三首和聖製閏九月九日登裝嚴總持二寺閣

八月九日蘆花飛南溪老人垂釣歸秋山入簾翠

滴滴野艇倚檻雲依依却把漁竿尋小徑閑梳鶴

髮對斜暉翻嬾四皓曾多事出為儲王定是非張志

和

曉煙茅舍月初日棗林霜歐陽公

木落千山瘦天高一鴈橫吳正仲

霜洲楓落盡月館竹生寒僧尚能

寒露

秋分後十五日斗指辛為寒露謂露冷寒而將欲

凝結也孝經緯

九月寒露為節者九月之時露氣轉寒故謂之寒

露三禮義宗

正陰雲出如冠纓易通卦驗

寒露日鴻鴈來賓後五日雀入大水為蛤後五日

先至者為主季秋後至者為賓通書作未濱濱水際也亦通菊有黃花草木皆華於陽獨菊華於陰故桃桐之華皆不言色而獨菊言者其色正應季秋土旺之時也

霜降

寒露後十五日斗指戌為霜降烝肅露凝結而為

霜也故云駟見而隕霜孝經緯

青女出以降霜青女霜神也又高誘注曰青女乃青腰玉女司霜雪者出淮南子

霜陰陽之氣也陰氣盛則凝而為霜大戴禮

霜者陰精冬令也四時代謝以霜收殺春秋考異

展禽曰春風鼓百草敷蔚吾不知其茂秋霜降百

草零落吾不知其枯子符

霜降太陰雲出鬼上如羊下如蟠石易通卦驗

豐山有九鍾是知霜鳴郭璞注曰霜降則鍾鳴故言知也出山海經

霜降日豺乃祭獸月令

北方白鴈秋深乃来来則霜降謂之霜信古今詩話

霜降則百工休乃命有司曰寒氣總至民力不堪

其皆入室霜降清風戒寒所以令人入室

霜降後天子乃教于田獵以習五戎班馬政草木

黃落乃伐為炭

霜降後天子乃以嘗稻先薦寢廟

霜降後合秩芻養犧牲以供皇天上帝名山大川

四方之神以祠宗廟社稷之靈為人祈福以上月令

霜降而婦功成嫁娶者行焉王肅注曰季秋霜降嫁娶始於此又詩曰

將子無怒秋以為期出家語

詩

青女橫霜夜神壚盛凍天王宏

天凝露以降霜兮木葉落而隕枝潘安仁賦

霜降秋早寒禾穗未熟皆青乾長吏明知不申破
急歛暴征求考課

杜陵叟霜
降節詩

天地之氣嚴凝為霜候高秋於玉琯體正色於金
方表肅殺而順時戒節協變化而開陰闔陽激清
風而增厲淨皓月而浮光驚鴻鴈之嗷嗷落蘆葭
之蒼蒼所以從地而升應律而降詠團扇而見託
班姬豈恨於長門履堅冰以是階袁安欲驚於陋
巷達重陽而首出啓沍寒以先期陰與律而相感
寒與氣而相資百工由是休矣萬物於焉原夫日

次于氏月窮于戌當青女以紀候從白露以受質
洞庭之葉驚波豐山之鍾應律云云

崔損霜
降賦

日涉編卷之九

日涉編

楚應城陳

皆升也甫編輯

邑人徐養量叔弘甫校刻



陳 蔀伯祥甫

陳 茗伯取甫

陳時升賜國甫

程有年耳雍甫全閱

九月

一日

徽宗詔頒朔布政自十月為始是日上御明堂頒

天運政治及八年歲運曆數于天下政和七年

唐玄宗每歲薦衣於陵寢五月五日薦衣扇通考

萬年縣女子劉凝靜是日乘白馬着白衣男子從

者八九十人入太史局升令廳牀坐勘問比有何

災異太史令姚玄辯執之以聞是夜彗見西方天

市中長五尺漸小向東行出天市高宗永隆二年

大星隕于境內聲如雷未幾孟珙薨孟珙字璞玉

發屋折木訃至帝震悼輟朝封吉國公謚忠襄廟

言人人異珙徐以片語折衷衆志皆愜謁士遊客

老校退卒壹以恩意撫接退則焚香掃地隱几危

坐若蕭然事外遠貨色絕滋味學邃於

易亦通佛學自號無庵居士出宋史

司馬溫公薨太皇太后聞之慟上亦感涕不已二

聖皆臨其喪哭之哀甚天祐元年九月一日溫公

公出山至元五年九月一日放鴈獲者勿殺却經字伯常

堂肆考酒經還汴中民射鴈金明池得繫帛書詩云露落

窮海纍臣有帛書後題曰至元五年云云却

金主以為天壽節史金

南斗降

道經

太上老君於玉天瓊房金闕上宮校集靈篇

道經

詩

藜杖侵寒露蓬門啓曙煙力稀經樹歇老困撥書
眠秋覺追隨盡來因孝友偏清談見滋味爾輩可

忘年

杜子美九月一日過孟十
二倉曹十四主簿兄弟

二日

隕霜殺稼

漢元帝永和元年九月二日先隕霜殺
桑是時石頭用事天下大饑五行志

隕霜傷穀

吳孫權嘉禾三年九月朔隕
霜班固書九月二日五行志

唐德宗是日勅令方隅無事烝庶小康其正月晦

日三月三日九月九日宜任文武百寮擇勝地追

賞為樂

貞元元年
南都新書

唐憲宗出內庫羅綺犀王金帶賜裴度

元和十二年
玉海

宋太宗賜胡旦已下綠袍鞞笏

興國三年自是
以為定制玉海

波斯大商李蘇沙是日進沉香亭子材拾遺李漢

諫曰沉香為亭子不異瑤臺瓊室上怒優容之

唐敬

宗本紀

天寶中河南緱氏縣仙鶴觀每年九月二日夜有

一道士得仙其夜皆不扃戶以求上昇之應張竭

忠令二勇者以兵器潛覘之是夜見一黑虎入觀

須臾脚出一道士二人射之不中竭忠申府請弓

矢大獵于太子陵東石穴中格殺數虎或金簡玉

籙或冠披人髮甚多白孔六帖

太素三元君朝真日道經

作墨法用鷄子白真珠麝香合以和墨宜用九月

二日抱朴子

三日

哀帝以是日生于大內中號乾和節群臣表曰陛

下九五飛龍四大應運國稱利見天表殊休當誕

聖之日感真人以衛室居在藩之際實羽客以獻

符敢循故典爰定美文天中記

肅宗以景雲二年是日生于東宮之別殿祥光照

室即位後號天成地平節玄宗在東宮為大平公

端而潛附太平者必陰伺察事雖纖介皆聞于上

太子心不自安后時方娠太子密謂張說曰用事

者不欲告多息亂恐禍及此婦人密令說懷去胎
覆鼎既寤如夢如是者三太子異之以告說曰
天命也無耳他虞既而太平誅九月三日生肅宗

于東宮別
殿出冊府

宋英宗宣仁聖烈皇后高氏於哲宗元祐八年是日崩于崇慶宮遺詔皇帝皇帝成服三日內聽政

高后葬于永厚陵宋史

宋皇太后崩于壽康殿

元和八年九月三日皇太后崩于壽康殿謚宣仁聖

烈皇后畢仲游代宰相作哀詞文有雲似卻而復疑月雖輝而如慘云云出文鑑

宋孝宗詔明堂免奏祥瑞曰朕自有真祥瑞豐年

是也百姓家給人足瑞莫大焉

淳熙六年

詩

一道殘陽鋪水中半江瑟瑟半江紅誰憐九月初

三夜水似真珠月似弓

白居易九月月初三暮江吟

東籬菊開風露香北山歲歲先重陽綵衣斑斑映

銀燭兒孫各獻一般菊去年開遲排不周今年喜

有兩中秋一般菊薦一杯酒爭徵前賢祝翁壽或

誦堯夫人壽篇或詠癡魚白樂天兩翁曾次雖各

別六十三時俱頭白如翁精采真天人應物無滯

疑於神逆順境中有定力火煉精金色愈出替得

兒孫亦白頭我翁綠髮照清秋長生共說團樂話

家慶年年可圖畫

彭虛察九月初三日壽
北山叔六十三古詩

四日

光宗以是日為重明節

宋史

宋高宗謂輔臣曰學寫字不如便寫經書不惟可

以學字又得經書不忘

紹興十三年玉海

道人曾志靜告其徒曰吾九月初四為衡山之遊

至期正坐而化

志靜廬陵人自少不御酒肉端毅寡言忽遇異人授以道術自是杜

門辟穀十餘年異人來視之曰表也又數年復至曰可也既葬有自衡山來者持志靜書勉其徒學道云宋志化二年坐化出吉安府志

五日

唐敬宗宴于宣和殿陳百戲

寶曆二年玉海

宋太祖詔選樂工八百三十人隸太常習鼓吹

建隆

四年詔玉海

宋英宗詔以九月是日開講至重陽罷

先是仁宗率二月開

經筵至重午罷八月復開冬至罷呂公著乞依先帝故事上從之聖政錄

梁武帝於寺中設無碍大會遣皇太子王侯朝貴

等奉迎舍利供養風景明和觀者百數十萬人

先武

帝到寺禮拜設無碍大會大赦天下以金鉢盛水泛舍利其最小者隱鉢不出武帝禮數十拜舍利

乃於鉢內放光旋回武帝謂大僧慧念曰弟子欲請一舍利還臺供養至九月五日又設無碍大會遣皇子等奉迎出梁書

韓明府修孔子廟碑曰永壽二年歲在涸灘霜月之靈皇極之日蓋九月五日也

韓名教字叔節出集古錄

詩

龍之來兮乘其陽躍於泉兮臨高岡龍之至兮歸有德符於黃兮土之色精曜曜光雄雄上不在天兮接於物下不在田兮蟠於空列四靈智稱其首居五位色表其中將銜甲以無比與負舟而不同

明皇家之玉氣符曆數於聖躬飛煙噴霧若動若顧聲雖嘒嘒非同三尺之劍色乃煌煌下映五花之樹誠帝王之嘉兆寧朝夕之可遇何虵蟻之足言諒騰黃之匪喻同翠龜之薦綠圖彰大人兮告元符覽史墨之言未之聞也驗登殿之祀不其然

乎景龍二年秋九月五日黃龍見于上黨伏牛山之南岡留久之彰聖人之德也潘炎於是作黃

龍賦見

六日

宋仁宗哲宗徽宗親祀明堂嘉泰七年元祐元年政和七年皆以九月

六日親祀
出通考

宋太祖皇太后杜氏崩太常少卿馮吉請上尊謚

曰明憲皇后是日群臣奉冊寶告于太廟建隆二年宋史

禮志

宋高宗賜鄧名世出身充史館校勘紹興四年鄧名世上春秋

四譜六卷九月六日賜出身出玉海

薛道光尸解作頌曰鉄馬奔入海泥蛇飛上天蓬

萊三島路元不在西邊道光闈州人嘗為僧號紫陽雲遊長安壽一百十四

歲於宋光宗紹熈二年九月六日尸解作頌明年沙道昭復見紫陽於霍童山出史纂左編

孟盛子上昇孟名之生漢將軍武帝遣入北山採藥棄官學道號孟盛子受法於清靈

裝真人周遊名山日行百里九月六日上昇出楚通志

詩

滿城風雨近重陽無奈黃花惱意香雪浪翻天迷

赤壁令人兩望憶潘郎

滿城風雨近重陽不見修文地下郎想得武昌門

外柳垂垂老葉半青黃

滿城風雨近重陽安得斯人共一觴欲問小馮今

健否雲中孤鴈不成行謝無逸思潘邠老滿城風雨近重陽之句九月六日

去重陽四日風雨大作無逸
遂用卻老之句廣為三絕

黃菊尚遲三日約碧桃已作十分開

事文類聚

七日

宋真宗是日宴近幸於龍圖閣之崇和殿命侍講
學士邢昺赴曹州刑部尚書溫仲舒宋白侍郎郭
贄預馬昂視壁掛尚書禮記圖指中庸篇凡為天
下國家有九經事因講大義皆有倫理在位聳聽
上嘉納之群臣皆呼萬歲即席賦詩二首以寵其
行命群臣咸賦及行又令近臣祖送會於宜春苑

景德四年
羊玉海

歐陽脩作六一居士傳

歐陽修熙寧三年九月七日

自號醉翁既老而衰且病將退休于潁水之上則
又更號六一居士客有問曰六一何謂也居士曰
吾家藏書一萬卷集錄三代以來金石遺文一千
卷有琴一張有棋一局而常置酒一壺客曰是為
六一爾奈何居士曰以吾一翁老於此五物之間
不為六一乎客笑曰子欲逃名者乎而屢易其號
以莊生所謂畏影走乎
日中者也云云出文鑑

潤州鶴林寺有杜鵑花每春爛熳周寶鎮浙西謂
道人殷七七曰鶴林之花君能非時開否曰可乃
九月七日宿鶴林寺中以俟杜鵑花開
至九日杜鵑爛熳如

白沙錄
卷九
九
春出續
仙傳

全椒縣有丁氏婦本丹陽人年十六適全椒民家
其姑嚴酷笞捶不可堪九月七日縊死遂有靈江
南婦女是日不作事避之呼為丁姑今祠尚在

太平

廣記

詩

懷山不能寐中宵命行軒亭午思畏景薄暮登危
巒峻極踰百磴縈紆欲千盤行行遂曛黑月落天
風寒羽人候中途良朋亦林端問我何所迫而嘗

茲險艱疲勞既云極饑渴不能言投裝臥中丘幸
此一室寬怒號竟永夕落枕無時安旦起闢幽戶
竹樹青檀欒警喜非昔睹披尋得新觀淹留十日
期俯仰有餘歡寄語後來子勿亂行路難

朱文公
先一日

發潭溪夜登雲谷
九月初七日賦詩

八日

唐高宗改九成宮為萬年宮

永徽二年至乾封二
年二月初十復為九

成宮
玉海

哲宗召輔臣觀穀稻于後苑

元祐三
年玉海

劉銀僭位是夜衆星北流歸朝之兆南漢劉銀年

司天監周傑筮之過復之豐傑曰二卦皆土為應

及銀之敗果五十五年又廣州童謡曰羊頭二四

白天雨至識者以羊是未之神是歲歲在辛未擒

銀天雨者玉師如時雨之義前一年九月初八日

夜衆星皆北流知星者言劉氏歸朝之兆銀體質

豐碩嘗以珠結鞍勒為戲龍之狀極其精妙以獻

太祖太祖曰銀好工巧習以成性若以習巧移于

治國豈至滅亡哉

出宋史世家傳

王勃年十三侍父宦遊是日舟次遇老叟曰子非
王勃乎來日重九南昌都督命客作滕王閣序子
有清才盍往賦之勃曰此去七百餘里今已九月

八日矣夫何復言叟曰吾助清風一席勃登舟翌

日昧爽抵南昌言撫

見義里有京兆人杜子休宅時有趙逸之晉朝舊

事多所記錄指子休園中乃晉太康龍驤將軍王

濬平吳之後建寺之處掘之月日如其言得石銘

其銘曰晉太康六年乙巳九月甲戌朔八日辛巳

後子休捨宅為靈隱寺記伽藍

詩

已是人間寂寞花解憐寂寞傍貧家老來不得登

高看更甚殘春惜歲華

司空圖九月八日作

明日重陽今日歸布帆絲雨暮霏霏行過鶴渚知

堪住家在龍沙意有違

皎然九月八日送蕭少府歸洪州

圍畦新雨潤愧子廢鋤來竹杖交頭柱柴扉隔徑

開欲棲群鳥亂未去小童催明日重陽酒相迎自

酸醅

晚晴吳郎見過北舍杜工部作

九日明朝是清樽強自開蕭蕭疏雨暗滾滾大江

來野菊開無數沙鷗靜不猜何須騎馬飲此興亦

悠哉

張栻號南軒九月八日作

長年身外事都歸序驚心一慨然正是山川秋

入夢可堪風雨夜連天相相滅滅增淒斷燈燼飛

飛落小圓前洗此情須痛飲明朝試訪酒中仙秦少

游九月八日夜大風雨寄玉定國

月入秋帷病枕涼霜飛夜簟故衾香可憐吹帽狂

司馬空對親春老孟光不作雍容傾座上翻成骯

髒倚門傍人間此會論今古細看茱萸感嘆長日明

重九東坡以病不赴述古台飲

九日

歲往月來忽復九月九日為陽數兩月日並應故

曰重陽

魏文帝書

授衣之月落帽之辰

六帖

是日馬射或云秋金之節武習射象立秋之禮

晉書

明宗生號應聖節

天中記

陳秀公生

陳秀公名旭後改升之拜相翰墨大金

宋武帝為宋公在彭城嘗登項羽戲馬臺至今相

承為故事

高祖登高飈館在孫陵寺岡特呼為九日臺

以上南齊

書

唐明皇登壺關山時東北有紫雲現光彩照日

瑞應

錄亦出山西潞州志

唐太宗蓬萊殿宴群臣酒賜湖南新橘

合璧事類

龍沙在郡北帶江沙甚潔白高峻而陂有龍形俗

為九日登高處

豫章記

九井山即殷仲文是日從桓公九井賦詩之所

丹陽

有九井山姑熟記

望楚山舊名馬鞍宋武陵王駿為刺史改為望楚

山駿後龍飛人號為鳳嶺巔有三磴劉弘山簡是

日宴賞於此襄陽記

登高山其形突兀舊有花藥圃歲是日官屬於此

登臨對川縣廣東志

池州府有齊山因唐刺史齊映得名唐杜牧是日

登山有江涵秋影鴈初飛之句至宋吳中復登高

亦有詩當時齊映為州日從此山因姓得名却自

牧之賦詩後每逢秋至菊含情一統志

湖山平正可容數百人坐民俗是日菊酒讌會於

此山者三四百人登之見邑屋悉委江海分明臨海記

迎秋臺乃後唐莊宗時築宋都人於此登高開封府志

登高嶺邑人載酒囊菜遊賞於此故名汀州府志

縣

九日岡其頂頗平可坐百人邑人登遊其上贛州府志

岡在信奉縣

蒙山一峯孤秀高出眾山士人登高於此太原府志

平定州上有

晉山神祠

紫金壇每歲郡人登高於此懷慶府志紫金壇在太行之陽諸峯之上

輝縣有共山俗呼九山以九日登臨故名昔共伯

逍遙得道於此衛輝府志

九仙山越王無諸九日嘗宴於此九仙山一名于山世傳何氏兄

弟於此登仙九域志

孟嘉為征西桓温叅軍温甚重之是日温遊龍山

僚屬畢集時叅佐並著戎服有風至吹嘉帽落嘉

不知覺温勅左右勿言以觀其舉止良久如廁温

令取還之時孫盛在坐桓温授絺筆命朝之置嘉坐

處嘉還見之笑請絺作荅了不容思其文甚美晉書

南昌府帥宴僚屬于滕王閣帥有婿吳子章喜為

文詞帥欲誇之乃宿構滕王閣序俟賓合而出為

之若即席就者帥授簡諸客王勃輒受是時勃年

最少帥密屬數吏伺勃下筆即口報至落霞秋水

句帥矍然曰此天才也頃而文成帥大悅子章慙

而退撫言

魏奉古授雍丘尉嘗九日公燕有客草序五百言

奉古言此舊文援筆到疏之草序者默然自失到

座撫掌奉古徐笑曰適覽記之非舊習也由是知名時挺涖汴州召奉古前曰此聰明尉耶他日持庶目令示奉古一覽便諷千餘言挺驚起曰仕宦且四十年未嘗見此合璧事類

韋綬為學士以心疾還第德宗是日作黃菊歌顧左右曰安可不示韋綬即遣使持賜綬遷奉和附

進唐書

宣康三年是日上講孝經謝安侍坐陸納下就執讀謝石袁宏執經車胤王温摘句史

劉夢得欲用饒字作九日詩以不見經傳不復作

宋子京有九日食饒詠曰飈館輕霜拂曙袍糗餐

花飲闔分曹劉郎不敢題饒字虛負詩中一世豪

遂為絕唱聞見錄

唐蕭瑀不解射是日賜宴較射矢俱不中鵠歐陽詢詠之曰急風吹緩箭弱手御強弓欲高翻復下

應西還更東借問誰為此只應是宋公太平廣記

重陽日當有疎風冷雨荆楚歲時記宋康伯可在翰苑

日嘗重九遇雨奉勅撰詞伯可口占望江南一闋

進云重陽日陰雨四垂垂戲馬臺前泥拍肚龍山
會上水平臍直浸到東籬茱萸菊蕊濕滋滋落帽

孟嘉尋弱笠休官陶令覓蓑衣兩箇一身泥

山堂肆考

李義山乃令狐楚故吏楚子綯繼相殊不展分重
陽日義山詣綯廳事題云曾共山翁把酒卮霜天
白菊正離披十年泉下無消息九日尊前有所思
莫學漢臣裁首菅還同楚客詠江籬郎君官重施
行馬東閣無由得再窺綯見詩乃閉此廳終身不

處

北窓
瓊言

謝無逸以書問潘大臨近作新詩否答曰秋來景
物件件是佳致昨日清臥聞攪林風雨聲遂起題
壁曰滿城風雨近重陽忽催租人至敗意止此一
句奉寄

宋韓忠獻嘗遇重陽置酒私第惟歐陽文忠公與
一二執政而蘇明允乃以布衣叅其間都人以為
異禮席間賦詩明允有佳節屢從愁裏過壯心還
倚醉中來之句其志氣不少衰如此按明允蘇洵

字

以上山
堂肆考

魏武帝與鍾繇書曰九月九日草木徧枯而黃菊
紛然獨秀今奉一束

白孔
六帖

僧皎然九日與陸羽煎茶東坡詩明年桑苧煎茶

處憶着衰翁首重回按皎然名清晝唐湖州人謝

靈運之孫羽字鴻漸號桑苧翁

山堂
肆考

唐明皇重陽日獵沙苑射中飛鴈帶箭去益州道

觀有道士徐佐卿寄寓忽自外持一箭歸曰吾行

山中為飛箭所傷已無恙因掛箭於壁書其日月

且曰後十年箭主到此付之後明皇幸蜀至觀乃

見箭

集異
記

穆宗納后欲用九月九日是忌月范汪問王彪之

荅曰禮無忌月不敢以所不見便謂無之博士曹

耽荀納等並謂無忌月之文不應有妨王洽曰若

有忌月當復有忌歲

晉書

樂遊園漢宣帝所立唐長安中太平公主於原上

置亭遊賞其地四望寬敞每重陽士女遊戲就此

袂襖

三月上
巳亦然

九日登高幄幕雲布車馬填塞綺羅燿日馨香滿

路朝士詞人賦詩西京雜記

陶潛九日無酒坐宅邊東籬下菊叢中摘菊盈把

未幾望見白衣人至乃王弘送酒便即酣飲續晉陽秋

袁師德給事高之子九日出餠謂坐客曰某不忍

食餠首父之謂音似父名隋唐嘉話

漢戚夫人侍兒賈佩蘭後出為扶風人段儒妻說

在宮時九月九日佩茱萸食蓬餅飲菊花酒令人

長壽西京雜記

唐戶氏安容甚麗性識敏慧不因保母而妙善唱

歌因重陽與群女戲登南山文峰而同葦命之歌

乃顰眉緩頰怡然一曲聲達數十里江南野史

二社重陽尚食餠而重陽為盛大率以棗為之或

加以栗亦有用肉者歲時雜記

都人重九各以粉麪蒸餠相遺上插剪綵小旗糝

釘果實如榴栗銀杏松實之類夢華錄

洛陽人家重陽作迎涼脯羊肝餅佩瘦水符金門歲節

記

日精治牆皆菊花莖之別名九月律中無射而數

九俗尚九日而用候時之草也

風土記

茱萸為辟邪翁菊花為延壽客故重九日假此二

物以消陽九之厄

仙書

採菊花與伏苓松脂久服令人不老

太清草木方

汝南桓景隨費長房遊學長房謂曰九月九日汝

家有厄急去令家人作絳囊盛茱萸繫臂登高飲

菊花酒可解此厄歸如言還見鷄犬牛羊一時暴

死長房聞之曰代之矣九日登高飲酒帶茱萸囊

始此

續齊諧記

茱萸椒也至重九成熟赤色可採費長

房云挿頭髻辟惡

風土記

張道陵漢永壽二年九日與夫人雍氏登雲臺峯

白日昇天時年一百二十三歲

道陵初入蜀居鶴鳴山煉丹修道感

老君授以秘錄保寧府志

王可交華亭人業耕釣一日擢舟入江忽見中流

有彩舫載七道士遠聞有呼可交名者頃之舟近

舫側呼可交登舫一道士曰好骨相合為仙一道

與之二栗食之甘如飴命黃衣送上岸覓所乘舟

不得乃在天台山瀑布寺前僧迎問之可交曰今

早離家蓋三月三日僧言九月九日已半年餘矣
後絕穀往四明山不出

松江府志

蜀中落魄仙姓張嘗賣鼠藥於梓州獄吏王昌遇
者市藥以歸鼠食之皆翼而飛後昌遇至廬又遇
之乃易其藥餌之遂名昌遇為易玄子取馬令乘
以歸焉乃龍也歸梓後以九月九日飛昇至今初
八夜即其地為藥市

廬州志

德賢上猶人號棲真尊者宋治平間結庵下山習
禪元豐五年九月九日忽自圖其容於壁間對衆說偈

云片雲歸去本無心流水下山非有戀言訖而化
弟子收靈骨建塔凡有禱屢應焉

江西南安府志

詩

九日重陽節開門有菊花不知來送酒若箇是陶

家

王勃

九月九日眺山川歸心歸望積風煙他鄉共酌金
花酒萬里同悲鴻鴈天

盧照鄰

節過重陽菊委塵江邊病起杖扶身不知此日龍
山會誰是風流落帽人

趙嘏寄韋舍人

欲從携手登高去一到門前意已無那得更將頭

上髮學他年少插茱萸朱放九日期登山不得往因贈楊凝

無限青山行已盡回看忽覺遠離家逢高欲飲重

陽酒山菊今朝未見花張籍重陽日至峽道

黃花紫菊傍籬落摘菊泛酒愛芳新不堪今日望

鄉意強插茱萸隨衆人楊衡九日作

江涵秋影鴈初飛與客携壺上翠微塵世難逢開

口咲菊花須插滿頭歸杜牧九日

莫將邊地比京都八月嚴霜草已枯今日登高樽

酒裏不知能有菊花無普縉九日

賜酒盈杯誰共持宮花滿地獨想想思只傍花

邊立盡日吟君詠菊詩白居易禁中九日對花酒憶元九

蒹庭蕭瑟故人稀何處登高且送歸今日暫同芳

菊酒明朝應作斷蓬飛王之涣九日送別

憐君臥病思新橘試摘猶酸亦未黃書後欲題三

百顆洞庭須待滿林霜韋應物故人重九日求橘

獨在異鄉為異客每逢嘉節倍思親遙知兄弟登

高處遍插茱萸少一人王維

卷九
三

日涉錄 卷九
天邊今日又重陽隴樹紅飛鴈叫霜來日預期扶

宿酒未應籬菊減秋香

宇文虛中

今日潘懷縣同時陸浚儀坐開桑落酒來把菊花
枝天宇清霜淨公堂宿霧披晚酣留客舞鳧鷖共

差池

子美重九日楊奉先會白水崔明府

綴席茱萸好浮舟菡萏衰百年秋已半九日意兼
悲江水清源曲荊州此路疑晚年高興盡搖蕩菊

花期

子美九日曲江曲

可訝東籬菊能知節候芳細枝青玉潤繁葉碎金

黃爽氣浮朝露濃姿帶夜霜泛杯傳壽酒應共樂

時康

九日釋廣宣菊花詠應制

瑞塔千尋起仙輿九月來萸房陳寶席菊蕊散花

臺御氣鵬霄迥升高鳳野開天歌將梵樂空裏共

徘徊

李嶠九日登慈恩寺浮圖應制

老去悲秋強自寬興來今日盡君歡羞將短髮還

吹帽笑倩傍人為正冠藍水遠從千澗落玉山高

並兩峰寒明年此會知誰健醉把茱萸仔細看

風急天高猿嘯哀渚清沙白鳥飛迴無邊落木蕭

蕭下不盡長江滾滾來萬里悲秋常作客百年多
病獨登臺艱難苦恨繁霜鬢潦倒新停濁酒杯以上

工部

今日雲景好水綠秋山明携壺酌流霞舉菊泛寒
榮地遠松石古風揚絃管清窺觴照歡顏獨笑還
自傾落帽醉山月空歌懷友生李太白九日舉音
蹇說文舉拔取也

十日

宋神宗徽宗高宗親祀明堂

熙寧四年宣和三年
紹興十年俱九月十

日通
考

唐高宗以是日小重陽百僚追賞帝賦詩以賜

麟德

十年藝
文志

京師士庶多於重九後一日再會謂之小重陽

歲時

記

唐文宗太和八年是日召李宗閔授中書侍郎平

章事代李德裕出德裕為興元節度使德裕自陳

戀闕不願出藩追勅守兵部尚書宗閔奏制命已

行不宜自便

德裕字文鏡趙郡人父吉甫德裕幼
有壯志苦心力學尤精西漢書舊唐

書

東坡云九月十日君猷置酒秋香亭有拒霜獨向
君猷開坐客喜笑以為非使君莫可當作定風波
詞以紀之詞曰兩兩輕紅半暈腮依依獨為使君
回若道使君無此意何為雙花不向別人開但看
低昂煙雨裏不已勸君休訴十分盃更問樽前狂
副使來歲花開時節與誰來

山堂肆考

紅巾犯省治

元至正壬辰年湖州黑氣巨天雷電異常雨以物若果核與雨雜下五色

間錯光瑩堅固破其實食之似松子仁人皆曰娑婆樹子以三四月時也至九月十月十日紅巾犯省治雨核之地悉被兵火後又湖州陷儀鳳橋四向焚戮特甚以此蓋雨核時橋四向為最多後池州亦然

池州之禍尤慘也出輟料錄

樹瘦裂得嬰兒

巴而木的斤亦都護亦都護者高昌國主號也先世居畏兒之地有

和山林山二水出焉一夕有神光降于樹在兩河之間人即其所而候之樹乃生瘦若懷妊狀九日十日而不可穿既壯遂能有其民人土田而為之君長傳三十餘君是為玉倫的斤數與唐人相攻戰久之議和親以息民罷兵於是唐以金蓮公主妻的斤之子葛屬

詩

九日不出門十日見黃菊灼灼尚繁英美人無消

息

賈島九月十日對菊

卷九

九

五

昨日登高罷今朝更舉觴菊花何太苦遭此兩重

陽李白

節去蜂愁蝶不知曉庭和露折殘枝自緣今日人

心別未必秋香一夜衰鄭谷題九月十日菊

漢江天外東流去巴塞連山萬里秋節過重陽人

病起一枝殘菊不勝愁陳羽九月十日即事

柳吳興近無消息張長公貧苦寂寥唯有角巾沾

雨至手持殘菊向西招李益九月十日雨中過張伯雄期柳雄未至

晚雨秋陰酒乍醒感時心緒杳難平黃花冷落不

成艷紅葉飄揚帶鼓聲背世逐能厭俗態偶緣猶

未望多情自從霜髮班班白不學安仁却自驚李後

主九月十日偶書

十一日

禁苑樹無風而摧折連根而拔者不知其數至十

四日乃止唐憲宗元和十五年九月十一日出五行志

宋真宗宴近臣於長春殿餞河陽三城節度使張

旻赴任以王旦在殯不舉樂天禧二年宋史禮志

翰林侍讀學士李淑以是日出守河州宋仁宗製

五言六韻詩賜之

嘉祐二年

宋王旦卒年七十四

王公旦以明道建元之初抗

所以本官致仕命一子自布衣試祕書省校書郎蓋

歟王公才為時生賢推仕漢帝選登羸直如朱紘

瑩若壺冰守藩方入出趨臺閣德化優柔文鋒錯

於君歸全返真雅合天道光昭縉紳有典

謝疊山與魏容齋書曰某自九月十一日離嘉禾

即不食烟火

書云某所以宮為民不為官者忠臣

招徠上有堯舜而下有巢由上有湯武下有隨光夷

之量可為堯舜湯武能使謝某不失臣節某自九

速死出全編惟願

梓州罷藥市

蜀梓州易玄子以九日上昇今梓州

之藥市成都九日為藥市人盡入市吸藥氣九日

日而罷出

詩

燈光欲疑不驚風月色初晴若發蒙羈客不眠詩

未就遊人半醉夜方中荒城熠燿相明滅野水芙

蓉亂白紅知欲訪僧同寂寂應憐病懶畏蠶蠹

宿雨初乾試火城端居無計伴遊行厭看門外繁
星動想見僧窓一點明老罷逢春無樂事夢回孤
枕有鄉情重因佳句思樊口一緜家書百鎰輕

蘇子

由九月十一日書事

十二日

宋仁宗改元嘉祐

至和三年九月十二日出宋史

唐代宗大曆元年魚朝恩奏以先所賜莊為章敬
寺以資章敬太后冥福衛州進士高郢是日上書
曰古之明王積善以致福不費財以求福修德以

消禍不勞人以禳禍今興造急促晝夜不息愁痛
之聲盈於道路以此望福臣恐不然陛下迴正道
於內心求微助於外物徇左右之過計傷皇王之
大猷臣竊為陛下惜之

出郢集

宋孝宗幸秘書省受朝右文殿移御秘閣觀累朝
御書上手以光堯太上皇帝所書琴賦示群臣

淳熙

五年九月十一日玉海

東坡在儋耳是日與客飲酒小醉信筆書曰吾始
至南海環視天水無際悽然傷之曰何時得由此

島耶已而思之天地在積水中九州在大瀛海中
中國在少海中有生孰不在島者覆盆水於地芥
浮於水蟻浮於芥茫然不知所濟少焉水涸蟻即
徑去見其類出涕曰幾不復與子相見豈知俯仰
之間有方軌八達之路乎念此可以一笑

長公外紀

詩

獨步溪頭夜初寂掃空塵念心清涼月明眼底見
秋色境靜鼻根歸桂香

王十朋九月十二夜作自序云時獨步梅溪翫月人迹悄然秋色滿眼微風不動岩桂自香初不勞思偶成一絕蓋心境中靜時語也

玉軸牙籤煥寶章簪紳侍列映秋光宴開芸閣儒
風盛坐對蓬山逸興長稽古有文慙菲德禮賢下
士法前王欲臻至德觀熙洽更罄嘉謀為贊襄

淳熙

五年九月十二日孝宗臨幸秘書賜丞相史浩以下官詩

麟閣龍旗日月章中興再見赭袍光仰觀焜燿人
文盛始識扶持德意長功利從今早管宴浮華自
昔陋盧王願將實學酬天造敢効明河織女襄

呂伯

恭九月十二日和孝宗韻

十三日

宋徽宗孝宗親祀明堂

宣和七年淳熙九年俱九月十三日通考

邢昺知曹州宋真宗賜宴宜春苑

景德四年九月十三日賜宴出

要會

潞州獻瑞應圖唐玄宗是日謂宰臣曰朕在潞州

靖共職業不知此事音史館惟書災異令王者修

德故春秋不書祥瑞惟記有年遂勅天下毋得奏

祥瑞開元十三年

宋仁宗御閣召賈昌期講乾卦用九曰外以剛健

決事內以謙恭應詔答以義付史館以上

皇祐四年

癸亥十年九月乙亥朔十三日丁亥北燕伯使使

者蒙絺罔命大蘭王曰惟君稟太陰之沉精標群

形於玄質體肥腠而洪茂長無心以遊逸資養

於人主雖無爵而有秩此君之純也君昔封國殷

商號曰豕氏業隆當時名垂後世此君之美也白

躋彰於周詩涉波應乎隆象歌詠垂於人口經千

載而流響此君之德也君相與野遊唯君為雄顧

群數百自西徂東俯歎沫則成霧仰奮鬣則生風

猛毒必噬有敵必攻長驅直突陣無全鋒此君之

勇也大蘭王九錫

馬希萼遣朗兵及蠻兵與劉彥瑫戰於涪州彥瑫

還走士卒溺死者數千人後漢隱帝乾祐二年楚

入寇諸將屢敗憂形於色劉彥瑫言於希廣曰朗

州兵不滿萬馬不滿千都府精兵十萬向憂不勝

願假臣兵萬餘人戰艦百十五艘徑入朗州縛馬

希萼以解大王之憂工悅以彥瑫統兵入朗州父

老爭以牛酒犒軍曰百姓不願從亂望都府之兵

久矣九月十三日希萼遣兵戰於涪州彥瑫還走

楚王希廣聞之涕

泣出湖湘故事

元人鄭仲涵生仲涵學舉子業塲屋不合乃棄去

仲涵生於泰定丙寅九月十三日

潛心秦漢諸文章未幾又棄去取辟聖之經而

溫之窮道德生命之秘質於濂洛閩之說母

逾年仲涵不離側夜則泣禱於天請以身代母病

革思西域瓜既食而卒仲涵終身不忍食瓜出宋

集濂

董文炳是日疾篤洗沐而坐召文忠等曰吾以先

人死王事恨不為國死邊今至此命也願董氏世

有男能騎馬者勉力圖報則吾死瞑目言畢就枕

卒文炳字彥明警敏善記誦自幼儼如成人為橐

城令明於聽斷以恩濟威吏抱案未署字不敢

仰視後知樞密院八月天壽節禮成賜宴帝命坐

論宗室大臣曰文炳功臣也理當坐後文炳疾勅

賜御醫九月十三日

疾篤就枕卒出元史

十四日

宋太祖是日幸閱士卒騎射張樂賜從官飲

乾德四年

宋真宗是日皇太子朝謁太廟乘金輅

太宗即仁宗天禧二年

年以上
玉海

唐神堯拜河東節度使領大使擊龍門賊母端兒
九月十四日夜過寒津口時明月方出白露初澄
於小橋下有二人語言明日毋大郎死神堯因駐
馬問二人再拜泣言某二人漢兵也昨奉東嶽命
兵神付龍門助將軍討賊某二人埋骨在此因少

憇亦自感傷欲先報於將軍耳神堯訝其言詢其
姓氏俱笑忽不見明日破賊發七十三矢皆中而
復得其失信乎聖王所向至靈亦先為佐祐焉

柳宗

元龍
城錄

詩

去年秋雨時我在廣陵歸今年中山去白首歸無

期

東坡以端明侍讀學士出知定州九月十四日雨中作示子由

十五日

唐太宗靈州地震有聲如雷

貞觀二十五年
五行志

宋哲宗邇英殿講論語終篇賜執政講讀史官燕

于東宮又遣中使賜御書詩各一首東坡得紫微

花絕句其詞曰綵綸閣下文書靜鍾鼓樓中刻漏

長獨坐黃昏誰是伴紫微花對紫微郎元祐二年九月十五

日翌日各以表謝又進詩一篇東坡集

宋孝宗淳熙十四年是日陳賈作御史臺廳壁記

曰宋朝三院御史皆得論政事糾官邪元豐紹聖

著于令甲其用峻故其選精一時列職其間悉錄

天子親擢太中興人國是耳目所寄必惟其

人紹興更化詔除公正之士以革締交合黨之風

蓋欲遵用忠純體國之人以成篤厚之政先後丁

寧昭若日月龍蛇飛動琬琰光輝聖意相傳家法

不改實我宋維持紀綱之盛事云云事文類聚

羊角哀夢左伯桃云與荆將軍墓隣數苦我九月

十五日幸兵於塚上助我春秋燕人羊角哀與左

二人同往見之至梁山道遇雨雪計不能俱全伯桃乃併衣糧與角哀入空樹中餓死角哀至楚為

上大乃告楚王備禮葬於莆塘在溧水縣四十五里一夕角哀夢伯桃云與荆將軍墓隣數苦我九月

十五日幸兵於塚上助我哀泣曰塚上安知汝之勝負開棺自刎而死就葬於墓中出山堂肆考

范式字巨卿與汝南張伯元為友二人春別京師

以暮秋為期伯元是日殺鷄以待巨卿母曰相去

千里汝何信之也言未卒而巨卿至

漢書

朱熹生

熹以建炎四年九月十五日午時生劔南尤溪之寓舍幼穎悟莊重能言父指示曰

此天也問曰天之上何物父異之就傳授以孝經一閱封之題其上曰不若是非人也嘗從群兒戲

沙止獨端坐以指畫沙視之八卦也少長屬志聖賢之學於舉子業初不經意晚年以野服見客朱

熹字仲晦出史纂左編

元人白

廷卒

海陵遠近學徒擔簦相從者殆無虛

日與韻朋勝友曳杖游街杯賦詩所居西湖有泉自天竺來及門而匯榜之曰湛淵因以自號晚

歸老栖霞又號栖霞山人文宗天曆元年九月十五日卒珽字庭玉年八十一出宋濂集

詩

八月繁雲連九月兩回三五晦漫漫一年悵望秋

將盡不得嫦娥正面看

徐疑九月望夕雨

江南地暖少嚴冬九月炎涼正得中溪上玉樓樓

上月清光合在水晶宮

陽漢公九月十五日

白露下眾草碧空卷微雲孤光為誰來似為我與

君水天淨四座河漢落酒樽使我冰雪腸不受麩

藥薰尚恨琴有絃出魚亂湖紋哀彈本舊曲妙耳

非昔聞良時失俯仰此見寧朝昏懸知一生中道

眼無由渾東坡九月十五夜觀
月聽琴西湖示坐客

十六日

唐玄宗勅諸郡風伯壇置在社壇之東兩師壇於

社壇之西其祀風伯請用立春後丑祀兩師請用

立夏後申天寶四載九月
十六日勅通考

宋太祖詔於東京舊城南建武成王廟與國學相

對命左諫議大夫崔頌中使盧德岳董其後乃命

頌檢閱唐末以來謀臣名將勲績尤著者具名以

聞建隆三年九月
十六日詔玉海

楊廷秀曰予於紹興壬子九月十六日以廢疾至

自金陵深念平生無他好獨好泉石而所居乃土

山安所得石忽有遺予以恠石予甚喜亟召匠釘

鉅為假山友人王才臣見之譙予曰先生居真山

而又為假山將誰給予笑曰予敢給人聊以自給

耳才臣曰有石而無泉非關與予偶思去假山三

十步而近舊有一泉而湮即命浚焉泉冽以猛因

接筒引之又於假山之前甃一小方塘植以芙蕖

雜以荇藻云云 泉石膏肓記

程伊川以白夾被被體坐竹牀 明道年七十得風痺疾大觀元年

九月十六先生以白夾被被體坐竹牀與尸焯舉手相揖焯還次日有叩門者報先生卒出明道集

唐人劉助尸解 助少時有二道授以餐松服石之法甚異之二道授以餐松服石之法

又謂助曰借來度汝君勿泄吾王屋真人也後服丹飲氣九月十六日尸解兄瞻在後柳人蔣椿

道士問曰弟助已為仙矣忽失所在後柳人蔣椿往陝西見助從一道士策驢而行此事七月二十

五日亦載劉助字元德出柳陽仙傳

詩

繡裳盡袞雲垂地不作成王剪桐戲日高黃繖下

西清風動槐龍舞交翠壁中蠹簡今千年漆書科

斗光射天諸儒不復憂吻燥東宮賜酒如流泉酒

酣復拜千金賜一絺驚鸞回鳳字蒼顏白髮便生

光袖有驪珠三十四歸來車馬已喧闐爭看銀鈎

墨色鮮人間一日轉萬口喜見雲章第一篇玉堂

晝掩文書靜鈴索不搖鍾漏永莫言弄筆數行書

須信時平有主聖犬羊散盡沙漠空捷烽夜到甘

泉宮似聞指揮築上郡已覺談笑無西戎文思天

子師文母終閉玉關辭馬武小臣願對紫微花試

草尺書招贊普

元祐二年九月哲宗先一日賜紫微花絕句東坡九月十六日進詩謝

十七日

肅宗車駕幸彭原命郭子儀赴天德軍伐叛蕃

至德

元載九月十七日幸彭原出實錄汾陽家傳云駕幸在十九日非也

宋真宗御崇政殿試賢良方正

景德三年出選舉志

唐懿宗是日賊四面斬關而入時昏霧極甚咫尺

莫辨

咸通九年賊逼徐州或勸崔彥曾奔兗州彥曾怒曰吾為元帥城陷而死職也立斬言者居民鼓譟動地民在城外者賊撫慰無所侵擾由是入爭歸之民助賊推草車塞門而焚之九月十七日賊斬關而入出實錄

歐陽詢上藝文類聚

唐高祖武德七年九月十七日給事中歐陽詢奉勅撰藝

文類聚成上之出會要

元國子博士吳師道蒸

師道少勇於學文辭驚人許文懿公以朱子之學淑

學者師道持所悟識造門質難許公禮重之於至治元年舉進上至正四年九月十七日葬銅山師

道字正傳蘭溪人出宋濂集

程伊川卒

文觀元年九月十七日卒得風痺疾出明道集

淮南副使陸洎卒

陸洎與李承嗣最善承嗣與諸客訪之洎曰明年此月當與諸

君長別矣承嗣問其故洎曰吾向夢人以騎召未止大明寺西數里至一大府署曰陽明府下馬入一室中有頃吏引立階下有二錄衣使捧一案案上有書一紙衣取書宣云洎三世慈孝功成業就

冥後受此官司陽明府侍郎判九州都監來年九月十七日本府上事語畢復以騎送歸奄然遂悟天命已定不可改矣客等至次年九月十六日候之曰君昨言明日當上事今何無恙洎日明日當行承嗣譏其為妖洎曰君與我有緣他日當十隣明日十七日果卒葬於菜蔓灣承嗣為楚州刺史葬洎墓之北出稽神錄

天曹增福相公生

翰墨大全

詩

惟彼神著生而有知用知不測明以稽疑擢九尺之纖幹伏千年之寶龜德圓而神兮無幽不及其生三百兮其用五十惟聖人之觀象乃神動而鬼

入列八卦以効變翹孤莖而子立著之立兮發其祥吾君得之尊以光明乎太極演彼歸藏因卜祝

之符瑞應天人之會昌

景龍二年九月十七日上使韓從禮著筮卦未成著

自立從禮曰大人之瑞也潘炎於是作神著立賦

十八日

赤氣竟天其光燭地經三日乃止

唐景龍元年天文志

親祀明堂

宋高宗紹興元年通考

唐貞觀二十三年是日太尉無忌奏請視朝坐曰高宗曰朕即大位自今已後每日常坐

通典亦出事物紀原

宋孝宗幸玉津園宴射賦七言詩賜曾懷以下與

宴者皆和淳熙元年王

北斗星降道經

忌遠行雲笈七籤

詩

錫宴朝野洽追歡堯舜情秋堂絲管動水榭煙霞
生黃花媚新霽碧樹含餘清同和六律應交泰萬
宇平睿藻下中天湛恩闡文明小臣諒何幸亦此

彩華英權德輿九月十八日奉和聖製因書所懷

十九日

齊東昏侯永元元年是日地五震有童謠云野豬

雖嗥嗥馬子空問渠不知龍與虎飲食江南墟七

九六十三廣莫人無餘鳥集傳舍頭今汝得寬休

但看三八後摧折景陽樓識者解云陳顛達屬豬

侯屬豬馬子未詳梁王屬龍蕭穎胄屬虎崔慧景
攻瑩頓廣莫門死時年六十三鳥集傳舍即所謂
瞻鳥爰止于誰之屋三十八二十四起建元元年至
中興二年二十四年也推折景陽樓亦高瑩傾之
意也今汝得寬休言天下將
去乃得休息也出南齊書

宋太宗幸金鳳園建隆四年九月十九日出會要

唐懿宗咸通十年龐勛是日死先閭里小兒競歌
 之曰得節不得節不過十二月即龐勛九年十月
 十七日作亂十年九月十九日就戮通其閏月計
 之正一歲而滅龐勛襲宋州陷其南城刺史鄭慶
 冲守其北城賊知有備捨去度汴
 南掠毫州沙陀追及之勛引兵循渙水而東將歸
 彭城為沙陀所逼官軍大集緣賊萬餘人皆溺死
 降者千人九月十九日勛亦死而人莫之識數日
 乃獲其尸賊宿遷寺諸寨皆殺其守將而降初龐
 勛之求節也必希歲內得之小兒乃歌曰得節不
 得節不過十二月計勛作亂至就戮之日一歲而
 滅出彭城紀亂

宋高宗是日言者請依雍熙故事賜新進士儒行

篇以勵士檢有旨添賜中庸送秘府校勘正字張
 棨校中庸高閎校儒行篇閎奏儒行雖間與聖人
 之意合而其詞類戰國縱橫之學蓋漢儒雜記決
 非聖人格言止賜中庸庶幾學者知聖學淵源奏

可紹興五年
 年宋史

吳中有一書生皓首稱胡博士教授諸生忽不見
 至九月十九日士人相與登山遊觀聞講書聲命
 僕尋之見空塚中群狐羅列見人即走老狐獨不
 去是前皓首書生也搜神記

九月十九日曰展重陽事文類聚三月十日

北斗大帝下降經道

二十日

唐代宗吐蕃寇涇原節度使高暉以城降之代宗

元年吐蕃入寇邊將告急程元振皆不以聞九月二十日吐蕃寇涇原高暉為之卿導詔以雍王适

為關內元帥郭子儀為副元帥出鎮咸陽以禦之子儀閑廢日夕部曲離散至是召募得二千騎而

行至咸陽吐蕃帥吐谷渾党項氏差二十餘萬眾彌漫數十里自司竹園循山而東子儀使判官中

書舍人王延昌入奏請益兵鳳翔府蓋屋縣有司竹園出段公家傳

王師討之是日城陷梓潼神也舊記曰神本張亞

子仕晉戰死而廟存唐明皇狩蜀神迎于萬里橋追命左丞相咸平中益卒為亂王師討之忽有人

呼曰梓潼神遣我來九月二十日城陷果克州以狀聞故命追封英顯王出事物紀原

東坡是日別南北山道友去杭與楊元素同舟而

陳令舉張子野皆從之東坡熙寧七年杭州通判

守既得請九月二十日去杭別南北山道友長公外紀

宜齋戒沐浴鷄鳴時沐浴令人辟兵風土記

天帝遊東井經道

詩

岐陽九月天微雪已作蕭條歲暮心短日送寒砧

杵急冷官無事屋廬深愁腸別後能消酒白髮秋
來已上簪近買貂裘堪出塞忽思乘傳問西林東坡

九月二十日懷子由

參橫斗轉欲三更苦雨終風也解晴雲散月明誰

點綴天容海色本澄清空餘魯叟乘桴意粗識軒

轅奏樂聲九死南荒吾不恨茲遊奇絕冠平生東坡

九月二十夜渡海

二十一日

唐高祖詔置常平監官以均天下之貨武德元年九月二十

二日詔出會要

武則天永昌元年是日敕免張楚金等死陳子昂

上疏曰九月二十一日敕免張楚金等死初有風

雨變為景雲臣聞陰慘者刑也陽舒者德也聖人

法天天亦助聖云云子昂疏

宋哲宗御邇英閣召講讀官講書讀寶訓賜御書

詩一首上書姓名于後元祐五年九月二十一日玉海

元人許有壬卒有壬幼穎敏讀書一目五行嘗閱衡州爭居院碑文千言一覽輒背

誦無遺元英宗至治二十四年九月二十一日卒有壬歷事七朝垂五十年遇國家大事無不盡言

皆一根至理而曲盡人情當權臣恣睢之時稍忤
意輒誅竄隨之有壬絕不為巧避計有壬善筆札
工辭章歐陽玄序其文謂其雄渾闕焦湧如層瀾
謚曰文忠有壬字可用年七十八出元史許有壬
傳

菩提達磨造于南海

菩提達磨祖師者南天竺國
之義也達磨往震旦作佛事造于南海實梁晉
通七年庚子歲九月二十一日也出左編

二十二日

宋高宗內出親書大有大畜二卦與孟子之言七

篇凡十扇遣中使宣示宰執

建炎二年九月
二十一日玉海

杯渡僧卒於赤山湖

杯渡者不知姓名嘗乘杯渡
水故世人呼以此僧為杯渡有

齊諧妻病篤杯渡一呪即愈元嘉三年九月二十
二日辭諧卒于赤山湖諧迎屍還葬至四年有一
僧來云是杯渡弟子家師欲來相見荅曰杯渡已
死何得復來頃之杯渡來諧大驚禮拜之出高僧
傳

詩

月入千江體不分道人非復人間人鍾山南北安

禪地香火他時共兩身

王荆公九月二十二日夜
夢高郵土山道人赴蔣山

北集雲峯為長老已而坐化復出山南興國寺與
荆公同取一榻片竹數寸上繞生絲屬荆公藏之

荆公棄
弗取

二十三日

親祀明堂

宋神宗元豐三年通考

宋真宗召宗室近臣對清景殿內出御製賜皇太

子元良述六藝箴各一卷又作七言十韻詩賜宰

臣寇準等遂宴於殿內

天禧二年玉海

宋仁宗奉天書至長春殿

宋真宗乾興元年崩仁宗即位召輔臣赴會慶

殿見先帝生平服御玩好之具帝與輔臣議及天書皆先帝尊道膺受靈貺之瑞不可久留人間宜

於永定陵奉安九月二十二日奉道天書至長春殿帝上香再拜奉辭出宋史禮志

詩

才名舊楚將妙畧擁兵機玉壘雖傳檄松州會解

園和親知計拙公主漫無歸青海今誰得西戎實

飽飛

廣德元年九月二十三日杜工部在閬州祭房瑁作此警急詩至十月吐蕃陷京師十二

維州吐蕃陷松

二十四日

周世宗生百寮上表曰壽丘降跡爰符出震之期

里社應祥式契乘乾之運候屬澄河時當降聖鰈

水鷁林望堯雲而獻祝栢圭穀璧趨禹會以駿奔

請以二十四日為天清節所異金相玉振負寶曆

以彌新地久天長煥文編而不朽從之

天中記

宋太宗幸潜龍園臨水謂近臣曰朕不至此已十

年今池邊之木已成林矣淳化三年九月二十四日出會要

庾翼於康帝即位欲率眾北伐是日行至夏口上

表曰臣以胡寇有弊亡之勢暫率所統致討山北

並分見眾畧復江夏數城臣等以九月十九日發

武昌以二十四日達夏口輒簡卒搜乘停當上道

翼字雅恭庾亮之弟也風儀秀偉必有經綸大畧與殷浩並才名冠世翼欲北伐上疏於康帝曰賊

季龍年已六十奢淫理盡醜類怨叛又欲決死遼東魏雖驍果未必能固若此無掣肘之虞則江南

將不異遼左與輒率南郡太守曹據寺精銳三萬風尚尋陽太守素真西陽太守曹據寺精銳三萬風

馳上道並發所統六州奴及車牛馬百姓嗟怨帝及朝士皆止之翼不從違詔九月二十四日輒

行至夏口復上表出晉書庾翼傳

二十五日

宋徽宗頒鹿鳴宴樂章五曲樂育人才賢賢好德

烝我髦士利用賓王云云政和二年音樂志

范希文以是日作岳陽樓記記有靈雨霏霏連月

不開陰風怒號濁浪排空日星隱曜山岳潛形商

旅不行檣傾檝摧薄暮冥冥虎嘯猿啼云云

天符節翰墨大全

無諍慧初常德府德山僧是日上堂顧視大眾曰
 見麼在天成象在地成形在日月為晦為朔在四
 時為寒為暑鼓之以雷霆潤之以風雨又曰一擗
 擗翻四大海一拳拳倒須彌山佛祖位中留不住
 又吹漁笛汨羅灣九月二十五聚頭相共舉瞎却
 正法眼拈却雲門普德山不會說禪贏得村得社
 舞呵呵呵囉囉哩遂作舞下座 楚通志

南極長生大帝降現 道經

詩

共作洛陽千里伴老劉因疾駐行軒今朝獨自山

前立雪滿三峰倚寺門

元稹與太白同之東洛至
 櫟陽太白染疾駐行積九

月二十五日至華
 嶽寺雪後望山

二十六日

宋太宗詔來年正月親耕

雍熙四年九月二
 十七日詔出通典

海陵王之子廣陽是日生

滕王廣陽母南氏本民
 家婢隨元妃入宮海陵

王幸之有娠正隆二年九月二十六日生廣
 陽十月滿月海陵分施在京貧民出金史

右羽林大將軍建昌王攸寧除納言着紫帶金龜

唐武后天授二年攸寧借紫衫金帶九月二十六
 日着紫帶金龜則借紫之制自則天攸寧始也出

事物紀原

任宗誼以是日葬須城縣

宋大觀二年葬宗誼字仲宜除知淄州借紫加

勳騎都尉載墓銘

南斗星下降

道經

二十七日

宋明帝是日白氣見東南長二丈形狀長大猛過

彗星占曰除舊布新易主之象

太始三年南齊書天文志

宋太宗皇太子謁太廟乘金輅

至道元年九月二十七日常朝則乘

馬皇太子即真宗出宋史

紹聖二年九月二十七日蘇東坡在惠州皇華館

思無邪齋記外祖程公遺事

記曰公諱仁霸眉山人以仁厚信於鄉里

蜀平中朝士大夫憚遠宦闕選士人有行義者攝公攝錄事參軍眉山尉有得盜蘆葦根者實竊而

所持乃誤中主人尉幸賞以劫聞獄掾受賂掠成

之太守將慮囚囚坐廡下泣涕衣盡濕公適過之

知其冤咋謂盜曰汝冤盍自言吾為汝直之盜果

稱冤移獄竟殺盜公坐誅因罷歸不及月尉掾皆

暴卒後三十餘年公晝日見盜拜庭下曰尉掾未

定服待公而決前以此地府欲台公暫對我叩頭爭

之曰不可以我故驚公是以前至今公壽盡今日我

門矣公具以語家人沐浴衣冠就寢而卒其幼時

聞此語言已而外祖壽九十舅氏始貴顯壽八十

五曾孫皆仕有聲同時為監司者三人玄孫宦學

盛而尉之子孫微矣予記公之遺事以遺程氏

類聚 事文

儼公禪師與門人告别跌坐而化

儼公禪師曹氏子兒時獨不戲

九歲樂為僧父不能奪其志抱經笥入岫巒山從名師至元和十三年九月二十七日跌坐而化出

清源真人生

翰墨大全

二十八日

宋太宗校獵近郊帝御弧矢射走兔四御製獵詩

群臣屬和

興國二年玉海

瀛國公以是日為天瑞節

纂記 淵海

星源誕聖日

婺源廟記

詩

寒包已向青春發又見秋深特地開應笑菊殘無

意思不能邀賦洛陽才

梅堯臣九月二十日題牡丹

九月二十有八日天愁無光月不出浮雲蔽天衆

星沒舉手向空如抹漆天昏地黑有一物不見其

形但聞其聲其初切切凄凄或高或低乍似玉女

調玉笙衆管參差而不齊既而伊伊啾啾若軋若

又如百兩江州車回輪轉軸聲啞嘔鳴機夜織

錦江上群鴈驚起蘆花洲吾謂此何聲初莫窮端

由老婢撲燈呼兒曹云此怪鳥無匹傳其名為鬼

車夜載百鬼凌空遊其聲雖小身甚大翅如車輪

排十頭梅堯臣作鬼車古風鬼車即車載板亦名逆鷁

二十九日

唐光宅元年是夜有星如半月見西方天文志

王鎮惡率龍驤將軍崩恩百舸前發鎮惡劇人也鎮惡王猛之

孫或薦鎮惡於高祖高祖謀討劉毅鎮惡曰有事西楚請賜給百舸為前驅義熙八年劉毅有疾求

遣從弟克州刺史蕃為副貳高祖偽許之大軍西討轉鎮惡參軍加振武將軍高祖至始熟遣鎮惡

率龍驤將軍崩恩百舸前發是九月二十九日也出王鎮惡傳

元人星吉北面再拜曰臣力竭不能報國言畢而

絕星吉字吉甫謚忠肅至正十一年賊巢據彭澤吉甫欲攻之而江州食糧匱乃諭民輸財麥令

士卒守小孤山自駐番陽口阨江湖要衝以圖恢復然亂已久湖廣江浙無援助者或請去就食東

南圖再舉吉甫曰吾受命守江西以江西地也死則死矣去將何之賊知兵食俱竭帥大船載葦菽

江而下杜上下流縱火焚攻數千兵戰死吉甫猶堅坐大呼曰殺賊殺賊俄而賊射吉甫中目仆舟

中賊素識吉甫名不忍害賊以刀脅吉甫降吉甫罵不已賊終不敢言吉甫不食九日九月二十九

日自力起北面再拜曰臣竭力不能報國言畢而絕年五十七出宋濂集

詩

指麾八荒定懷柔萬國夷單于陪武帳日逐衛文
挽端宸朝四岳無為任有司共樂還譙宴歡此大

風詩

唐太宗幸慶善宮宴從臣于渭濱作

三十日

東漢安帝延光三年是日日有食之

京房占曰骨肉相賊

在

氏十五度為宿宮宮中宮也時上聽中常侍江京

樊豐等讒言廢皇太子

通考

元順帝天甫明西南方天裂紅光燭地移時始復

又白虹貫日

至正己亥年九月三十日出元史

魏主珪以是日甲子進軍攻之太史令晁崇曰不

吉昔紂以甲子亡謂之疾日兵家忌之珪曰紂以

甲子亡武王不以甲子興乎崇無以對

晉武帝隆安元年九月

月魏主珪自將圍中山中山饑甚慕容麟帥二萬餘人出據新市九月三十日甲子魏主進軍攻之

書出晉

黃山谷卒

黃山谷作承天院記朝廷謂其幸災謗國以崇寧二年自鄂謫宜州獨赴貶所

崇寧四年九月三十日卒出楚通志

包廷藻生

號南澗眉目秀整倍書學文皆過人五歲見伯父記飲中八仙及大曆十才子

隨記隨失南澗牽衣問曰翁何健忘耶兒雖耳聞已熟於心矣因歷數以對翁大驚及長銳然尚友

古人朝負耒出耕稍暇躬親杵臼井竈之事及入夜方懸燈挾冊琅琅聲不絕四方來從以講解章旨為第一義廷藻字文叔合肥孝肅公極之裔於咸淳乙丑年九月三十日出生出宋濂集

馬鈺從學於祖師祖師青巾白袍坐白龜於碧蓮上祖師回身側臥東南而去九月三十日鄉人雲集鈺師抱琴作歸山操云能無為兮無不為能無知兮無不知知此道誰兮不為為此道兮誰復知風蕭蕭兮木葉飛聲嗷嗷兮鴈南飛嗟人世兮日月催老欲死兮猶貪癡傷人世兮魂欲飛嗟人世兮心欲摧難可了兮人間非指青山兮當早歸青山

夜兮明月輝青山曉兮月歸饑餐霞兮渴飲溪與世隔兮人不知無乎知兮無乎為此心滅兮那復為天庭復有雙華飛登三宮兮遊紫微

馬鈺初名從義字宜

甫鈺字玄寶更之也號丹陽子寧海人從學祖師出文集左編

詩

為客無時了悲秋向夕終瘴餘夔子國霜薄楚王宮草敵虛嵐翠花禁冷葉紅年年小搖落不與故

園同

杜工部九月三十日作

日涉編卷之九終



